



Akcija SIPA-e "Tranzit" na suzbijanju kriminala

Četiri osobe osumnjičene za utaju 8,5 miliona KM

Među osumnjičenima Slađana Štrbac, Vu Ksianghua, Aleksandar Aleksić i Željko Basalo

Pripadnici Državne agencije za istrage i zaštitu (SIPA), u okviru akcije kodnog naziva "Tranzit", pretresli su jučer objekte na četiri lokacije na području Banje Luke, Laktaša i Srebrenika. Pretresima su obuhvaćeni objekti koje koriste četiri osobe osumnjičene da su počinile krivično djelo organizirani kriminal u vezi s krivičnim djelom porezna utaja ili prevara. Akcija je provedena prema naredbi Tužilaštva i Suda BiH.

Sumnja se da su osumnjičeni finansijskim malverzacijama i izbjegavanjem plaćanja PDV-a budžet BiH oštetili za oko 8,5 miliona KM, saopćeno je iz Tužilaštva BiH.

Prilikom izvršenih pretresa pronađena je i privremeno oduzeta određena finansijska poslovna dokumentacija (fakture, deklaracije uvozne, tovarni lis-



Akcija provedena na više lokacija

(Foto: Arhiv Avaza)

tovi, izvodi iz banaka, uplatnice), kao i drugi predmeti koji mogu poslužiti kao dokaz u daljnjem postupku.

Osumnjičene osobe u ovom predmetu jučer su saslušane u prostorijama SIPA-e, nakon čega će se, shodno uputama postupajućeg tužioca, odlučiti o njihovom

daljnjem statusu.

Iz izvora bliskih SIPA-i nezvanično saznajemo da su u svojstvu osumnjičenih saslušani Slađana Štrbac, Vu Ksianghua, Aleksandar Aleksić i Željko Basalo.

Oni se sumnjiče da su od 2011. do 2014. godine, preko pravnih lica, vršili uvoz robe porijeklom iz Kine, koju su

prosljeđivali njima poznatim osobama koje su tu robu bez evidentiranja u poslovnim knjigama prodavale za gotov novac na tržnici Arizona kod Distrikta Brčko i na području Sarajeva. Da bi to prikriili, u poslovnim knjigama fiktivno su prikazivali da se roba nalazi na zalihama. **M.Aš. - M.Ke.**